



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
o utvrđivanju osnovice i boda za obračun plata u organima
Grada Sarajeva za 2021. godinu
(prijedlog)

Predlagač: Gradonačelnik
Obradivač: Gradska služba za opću upravu
i zajedničke poslove

Sarajevo, decembar 2020. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 5. Zakona o platama i naknadama u organima vlasti Federacije Bosne i Hercegovine („Službene novine Federacije BiH“, br. 45/10, 111/12 i 20/17), a u vezi sa članom 4. Odluke o platama i naknadama u organima Grada Sarajeva („Službene novine Kantona Sarajevo“, broj 38/17), te članom 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada Sarajeva, na sjednici od __.__.2020. godine, **d o n o s i**

(prijedlog)

ODLUKU

o utvrđivanju osnovice i boda za obračun plata u organima Grada Sarajeva za 2021. godinu

Član 1.

Ovom Odlukom utvrđuje se visina osnovice za obračun plata u organima Grada Sarajeva za 2021. godinu, na način da se najniža neto satnica koja iznosi 2,23 KM, množi sa fondom sati u mjesecu. Visina boda za obračun plata u organima Grada Sarajeva za 2021. godinu utvrđuje se u visini 1.

Član 2.

U slučaju povećanja indeksa potrošačkih cijena mjerenih od strane Federalnog zavoda za statistiku, većih od 5%, smanjenja ili povećanja najniže neto satnice, ili nastupanja drugih relevantnih činjenica koje utiču na utvrđivanje visine osnovice za obračun plaće, mogu se vršiti izmjene ove Odluke, odnosno usklađivanje za naprijed navedenim.

Član 3.

Ova odluka stupa na snagu narednog dana od dana objave u „Službenim novinama Kantona Sarajevo“, a primjenjivat će se od 01.01.2021. godine.

**PREDSJEDAVAJUĆI
GRADSKOG VIJEĆA GRADA SARAJEVA**

Dr. Igor Gavrić

Broj:
Sarajevo: __.__.2020. godine

O b r a z l o ž e n j e

PRAVNI OSNOV

Pravni osnov za donošenje Odluke sadržan je u članu 5. Zakona o platama i naknadama u organima vlasti Federacije Bosne i Hercegovine („Službene novine Federacije BiH“, br. 45/10,111/12 i 20/17– u daljem tekstu: Zakon), kojim je propisano da se osnovica za obračun plata utvrđuje zakonom, odnosno odlukom općinskog i gradskog vijeća o izvršavanju budžeta za svaku budžetsku godinu ili odlukom o privremenom finansiranju i primjenjuje se od 01.01. za svaku narednu godinu. Citiranim članom Zakona utvrđeno je da će se pored osnovice za obračun plata koristiti i bod za obračun plate, a koji se utvrđuje na način i po proceduri kako je naprijed i navedeno, kao i činjenica da se utvrđivanje osnovice vrši u pregovorima sa reprezentativnim sindikatom, a prije usvajanja Odluke iz člana 5. stav 1. Zakona, a ukoliko se ne postigne dogovor, Gradsko vijeće će utvrditi osnovicu i bod, pri čemu visina osnovice ne može biti niža od prethodno dogovorene, odnosno važeće.

Odluka je zasnovana i na članu 4. Odluke o platama i naknadama u organima Grada Sarajeva („Službene novine Kantona Sarajevo“, broj 38/17), a koji se potpunosti temelji na odredbi člana 5. Zakona, kao i na članu 26. stav 1. tačka 2. Statuta Grada Sarajeva, kojim je propisana nadležnost Gradskog vijeća da donosi odluke, druge propise i opće akte i daje njihovo tumačenje.

RAZLOZI DONOŠENJA

Razlozi za donošenje ove odluke sadržani su u činjenici da u momentu predlaganja Budžeta Grada Sarajeva za 2021. godinu, u organu uprave Grada Sarajeva, zbog situacije uzrokovane pojavom koronavirusa– COVID-19, te s tim u vezi utvrđenim mjerama i preporukama donesenim od strane nadležnih organa, još uvijek nije završena procedura imenovanja sindikalnih organa.

Obzirom da zbog nastale situacije nisu postojali uslovi za provođenje svih neophodnih procedura, pa se s tim u vezi nisu mogli provesti pregovori sa reprezentativnim sindikatom na način kako je to članom 5. Zakona propisano, predloženo je donošenje ove Odluke.

Osnovica i bod za obračun plate za 2021. godinu identični su visini važeće osnovice i boda za obračun plate, odnosno identične su osnovici i bodu koji su dogovoreni Sporazumom o osnovici i bodu za obračun plata u organima Grada Sarajeva za 2020. godinu, broj 01/04-05-7112/19 od 02.12.2019. godine, čime je u potpunosti zadovoljen uslov predviđen stavom 3. člana 5. Zakona za donošenje Odluke ove vrste i sadržine.

Cijeneći naprijed navedeno, a naročito činjenicu postojanja obaveze utvrđivanja osnovice i boda za obračun plate u organima Grada Sarajeva za 2021. godinu, Odluka se dostavlja Gradskom vijeću na razmatranje i odlučivanje.

FINANSIJSKA SREDSTVA

Finansijska sredstva za realizaciju ove Odluke obezbijeđena su u Budžetu Grada Sarajeva za 2021. godinu.